

Sámegiela Čábbámu juovlálavlagiid lávlot Helssega duopmogirkus sotnabeaivve 4.12. dii. 16.

Sámegiela Čábbámu juovlálavlagiid lávlot **Helssega duopmogirkus sotnabeaivve 4.12. dii. 16.** Dilálašvuhtii sáhtta oassálastit Helssega duopmogirkosearvegotti YouTube kanála bokte.

Dán jagi ávvudit Čábbámu juovlálavlagiid 50 -jagi ávvudeami. Ávvujagi gudnin mii leat ožžon maiddái ođđa sámegiela Čábbámu juovlálavlagat -gihppaga, mas leat juovlálavlagat golmma sámegillii: nuortalašgillii, anárašgillii ja davvisámegillii. Juovlálavlagiid leat lávlluheamin musihkkárat, **Anna Näkkäljärvi-Länsman** ja **Aimo Aikio**.

Orgelčuojaheaddjin bálvala **Harri Herko**. Helssega bismagotti ovddasteaddji leanaproavás **Jukka Pakarinen** doallá juovlarohkosa. Dilálašvuoda jođihit duopmogirkosearvegote báhppa **Yrjö Ikonen** ja sápmelaččaid báhppa **Mari Valjakka**.

Sámegiela Čábbámu Juovlálavlagat -gihpagis lea mielde maiddái sápmelaččaid fámuin dahkkon juovlálavlla, masa šuoŋa lea dahkan **Anna Näkkäljärvi-Länsman** ja sániid **Inger-Mari Aikio**. **Näkkäljärvi-Länsman** muitala “*Dahken ođđa davvisámegiela juovlálavlagat ovttasbarggus diktačáli Inger-Mari Aikion. Inger-Mari čállán teaksta muitala čuovgga fámu. Lávlagis čuovga beassá friijavuhtii ja addá juovlamiela. Sánit leat dievva doaivaga ja ihu. Lei duodaid fiinnis oaččut dahkat diktii šuoŋa, orui dehálaš dahkat ođđa davvisámegiela lávlagat. Lea gelddolaš oaidnit, mo sámegiela lávllut váldet lávlagat vuostái*”.

Ođđa juovlálavlagat čállán **Inger-Mari Aikio** muitala: “*Dát lea mu vuosttas juovlálavlla. Go čállen dan mannan dálvve, de ledjen Tenerifes. Nu beaivvadat ja liekkas. Orui njulgestaga hearváid čállit dan doppe. Ja maiddái imaš, ahte aiddo mun lean dan čállimin. Dieđán man dehálaččat juovlálavlagat sáhttet leat olbmuide. Lean gal hui rámis ja ilus, go munno Ánnain lávlla lea dál fárus gihppagis. Sávan ahte lávlla šaddá oahpisin ja ráhkisin midjiide sápmelaččaide. Mu mielas lávlagis lea olu doaivva, man mii buohkat dárbbasat aiddo seavdnjadamos áigge.*”

Anára Bárttegis bajásšaddan ja dánáigge Helssegis ássi **Aimo Aikio** mielas “*lea finna ášši, ahte Čábbámus juovlalávlagiid lávlot dánáigge buot sámeielain, maiddái nuortalašgillii. Lea stuorra gudni beassat leat mielde dahkamin dán historjjá.*”

Juovlalávlagat golmmaid sámeielain **Helssega duopmogirkus sotnabeivve 4.12. dii. 16.** Dáhpáhussii sáhtát oassálastit **Helssega duopmogirkosearvegote YouTube** kanála bokte.

Lassidiedut:

Sámebarggu čálli Erva Niittyvuopio, 040 7690 044, erva.niittyvuopio@evl.fi

Bismagoddečálli Hanna Remes, 040 5931 148, hanna.remes@evl.fi

Duopmogirkosearvegote báhppa Yrjö Ikonen, 050 5567 900, yrjo.ikonen@evl.fi